




# Génesis 1




Nunangkamtaik mash  
atsuinai, Yuska  
nayaimpincha tura  
nungkancha mash  
najanamiayi.



Antsu nungkaka juun entsajai  
pachimnaikiau ayayi. Juun  
entsaka aya kuna ayayi.  
Turasha aya tee ayayi.  
Tura asamtai Yuse  
Wakani juun entsa  
yakiinini atu wee,  
tura ataksha juni  
wini, tu nanaaki  
pujumiayi.



Nuniangka Yus chichaak: —Paantin ati —tamati, paantin wajasmiai. Tura paaniunka tsawai inaikiamiayi. Tura teenka kashi inaikiamiayi. Nu najankamunam kichik kinta kintamramiai.




3

Nunia Yus chichaak: —Yakiiya yumi juun entsajai akankamu ati, —timiayi. Yus tamati, nunisang turunamiai. Nunia Yus chichaak: —Ju angkakuka nayaim tutai ati —timiayi. Nu najankamunam jimiar kinta kintamramiai.


4

Nunia Yus ataksha chichaak: —Entsa nungkan amurua juka kuyuati, tura nungka mujurta, —Yus tamati nunisang turunamiai. Tura Yus chichaak: —Mujukash wajasa juka nungka tutai ati, tura entsa iruntrarua juka juun entsa tutai ati —timiayi. Tura nuna mash umis jiis Yus: —Pengeraitai —timiayi.



5

Tura chichaak: —Arak ainau tura numi ainausha niish niish nungkanam tsapainiar nerekart, —Yus tamati nunisang turunamiai. Nu najankamunam tres kinta kintamramiai.




6

Tura asantai Yus tsantratniun jimieran najanamiai. Tsawai kakaram tsantratniun timia juuntan najanamia nuka tsaayaitai. Tura kashi mushatmin kapaa nuka nantuitai. Tura yaa ainauncha najanamiai. Nu najankamunam cuatro kinta kintamramiai.




7

Nunia ataksha Yus chichaak: —Entsanam matsamsatin ainauka tura nanamtin ainausha nungkanam yujararti, —tamati nunisang turunamiai. Nu najankamunam cinco kinta kintamramiai.




8

Nunia Yus ataksha chichaak: —Mash nungkanam wekain ainauka yujararti. Kuntin yutai ainauka tura tangku ainausha, tura pachim namangken yu ainausha, tura netsepejai nungkanam wekain ainausha niish niish mash nungkanam yujararti, —Yus tamati nunisang umikmiayi.




9

Nunia Yus chichaak: —Yamaikia iiya tumau ati tusar, ainsa najanami. Tura nu aintska namak ainaun, tura nanamtin ainauncha, tura tangku ainauncha, tura pachim ainauncha, tura netsepejai nungkanam wekainauncha mash inarti —tusa, Yus aintsun najanamiayi. Tura ni najanamurin mash jiis: —Nekas pengkeraitai —timiayi. Nu najankamunam seis kintan kintamramiayi.




10

Nunia ii Apuri Yus nu nungka Edén tutainum aishmangkun chicharak: —Ju nungka juka ame takakmakum wainkata tusan suajme.




11

Tura asamtai numi iruna juna nere mash yuwamawaitme. Antsu kichik numi aa nuka tunaun aina nuna nekamtikin asa, nuna nerengka yuwashtinuitme. Nu yuwakmeke nekas jakatatme tajame, —timiayi.




12

Kame, Apu Yus kuntin ainaun tura nanamtin ainauncha mash najanak, ni inairati tusa, aishmang Adán naartinum ikiankamiayi. Turamtai tangku ainaun, tura nanamtin ainauncha, tura pachim ainauncha mash, ni naari tu ati tusa inairamiayi. Tura asamtai Adán inairamia nu naartinuk tuke ainawai. Antsu niin yaingtinun niya tumaunaka pengké wainkachmiayi.



13

Tura asamtai Apu Yus Adánkan kanurti tusa kiantramiayi. Kanuramtai ni namangken nitkayan pajen juruki, ataksha achimtuamiayi. Tura nu pajen achik, Apu Yus nuwan najana, aishmangkun inaktusmiayi.



14

Yus nuna turau asamtai, aishmang  
ni aparin tura nukurinja ukuki,  
nuwarijai tsaning, jimiaraitiat  
kichkia nunisang atinuitai.



15

Yus mash nungkanmaya ainautin timiá  
anengkratu asa, ni uchirin kichkinak  
akupturmakmiaji. Tura asamtai mash  
nekasampita tusar, nintimtin  
ainauka tukeka mengkakahartin  
ainawai, antsu tuke Yusnum  
iwiaku pujusartin  
ainawai.



1



60

16

Romans 3:23 Aints ainautikia tuke mash tunaarintin  
ainiaji. Tura asar Yus pujamunmaka jeachminuitji.

Romans 6:23 Tura asamtai nunasha tajarme: Tunau  
akikringkia jataintai. Antsu ii Apuri Cristo Jesús ni  
aintsri ainauti tunaarin sakturmaru asamtai, Yus iin wait  
anentramak pujut nangkankashtinun akikchaujai  
suramsatnuitji.

Hebrews 9:27 Ii jakatin kinta jeamtai, aintstisha jakatin  
ainiaji. Antsu nuniangka pengké jakashtinuitji. Tura  
jaakrincha, Yus aintsti turamunka mash nekaatnuitai.

17

Ephesians 2:8,9 Tura atumsha Cristo nekasampita tau  
asakrumin, Yus wait anentramak atumniasha tunaanumia  
uwentikramramiarume. Antsu atumkeka nuka  
turunachmiarume. Antsu Yuska ningki wakerak  
kuikiachujai turamiayi. Aints ningkikia uwemrachmin ayat,  
ni pengker takaamurijai tunaanumia  
uwemramnawaitkungka: Wiki tunaanumia uwemrawaitjai,  
tumamtinuitai. Antsu aints kichkisha tuuka uwemrachmin  
asamtai, Yuska atumniaka ningki wakerak tunaanumia  
uwentikramramiarume.

Romans 10:9,10 Tura asamtai Yus ni Uchirin Jesúsán  
jakamunmaya inankimia nu nintimtakum, tura jangkemjai:  
Jesús nekasampi wina apuruita takumka tunaanumiangka  
uwemrattatme. Tura asamtai Jesucristo nekasampita tu  
nintimtakminkia, Yus aminka pengkeraitme turamtatui.  
Tura jangkemjai Jesucristo wina apuruita takumka  
uwemrattatme.

18

John 3:16,17 Yus mash nungkanmaya ainautin timiá  
anengkratu asa, ni uchirin kichkinak akupturmakmiaji. Tura  
asamtai mash nekasampita tusar, nintimtin ainauka tukeka  
mengkakahartin ainawai, antsu tuke Yusnum iwiaku  
pujusartin ainawai. Yuska aints ainautin mengkaakarti  
tusangka ni Uchirinka akupturmakchamiaji. Antsu mash  
aints ainautin uwentikramratas ni Uchirin  
akupturmakmiaji.

1 John 5:11-13 Tura Yus ni Uchirin pachis iin ujatmaji nuka  
nuwaitai: Wina Uchir tuke iwiaku pujau asamtai, atumsha  
nijai tuke tsaniasrum iwiaku pujustinuitrume iinka  
turamji. Yuse Uchirin nintimsar pujuinauka tuke Yusnum  
iwiaku pujusartin ainawai. Antsu Yuse Uchirin nintimtsuk  
pujuinauka tuke Yusnum iwiakuka pujuschartin ainawai.  
Yuse Uchiri nekasampita tusaram nintimtusrum pujau  
asaram, tuke Yusnum iwiaku pujustinuitrume. Nu  
nekaataram tusan, ju chichamnaka atumin aatjarne.

19

## Génesis 1-2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: Bob Davies; Tammy S.

Achuar Bible (acu) © 2019, Wycliffe Bible Translators,  
Inc. All rights reserved.

<https://live.bible.is/bible/ACUTBL/PSA/1>

©2024 Bible for Children, Inc.  
www.M1914.org www.bibleforchildren.org

20